

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Peter Haarers Beschreibung des Bauernkriegs 1525

Harer, Peter

Halle, 1881

Das 61. Cap

[urn:nbn:de:bsz:31-326211](https://nbn-resolving.org/urn:nbn:de:bsz:31-326211)

Das 61. Cap.

Wie Pfaff Eysenhuett sampt etlichen seinen Gesellen enthauptet worden.

Wider dessen bracht man Pfaff Anthonium Eysenhuett, der des liechten hauffens auff dem Kraichgaw, dauon obengemelt, Oberster Hauptman gewesen, gar ein rechtshuldiger Capellan, mit sampt 3. andern Gefangenen von Eypingen, die hatte des Bundts Oberster Feldhauptman Herr Georg Truchses, in gefängliche hafft nemen lassen, vnd dem Churfürsten zu einer verehrung vberschickt, [78] die wurden, so bald sie der endts kamen, nach kurzer verhöhr, auff dem Platz, im Schloß, in des Bundts Namen, mit dem Schwert gericht, den andern tag, verharret Sein Churfürstl. Gn. mit dem Kriegsheer im Läger zu Brussel, vnd auff beschehene erforderung, handelt Sein Gn. mit den Nemptern, des Brurainischen hauffens, Nemlich Brussel, Vdenheim, Rotenburg, Kislaw, Grünaw vnd andern, der Sach verwanten umbliegenden Dörffern, ihrer Straff vnd Abtrags halber, da ward nach viel gehabter vnderhandlung, die Sach dahin gezogen, daß sie solten Seiner Churfürstl. Gn. für ein Abtrag ihres begangenen bößhaftigen Frevels 40000. flor. darzu alle Wehr vnd Harnisch der Herrschafft vberantworten, deren keine mehr, ohne besonder erlaubnuß tragen, vnd von newem wider Huldigung vnd Pflicht thun. So musten die in Brussel Insonderheit versprechen, ihre Thor vnd Pforten abzubrecken, vnd alsobald die Pfort, so sie hinden im Schloß in zeit ihres Regiments zu gemawert widerumb öffnen, vnd mit newen Thoren beschlieszig machen. Gegen dem Abend hat man die Gefangne wider auß dem Thurn, die vor hiß vnd ängsten schwitzten daß es von ihnen Rann, auff den Platz, im Vorhof des Schlosses führen, vnd sie all zu hauff in ein Ring stellen lassen. Da nun der Nachrichten, fünffen die Köpff abgehawen vnd wider einer nieder kniet, schrien die umbstehende Herrn vnd Graffen dem Hender zu, daß er hiß auff weitem bescheid gemachthete, fügten sich eylends zu meinem gnädigsten Herrn, dem Pfalzgraffen, baten für die vbrige Armen, die lagen

mitlerweil, biß die Antwort geschach, auff den Knien, mit vffgerecten Händen, vnd schrien ohn vnderlaß vmb Genad vnd Barmherzigkeit. Also würden sie von Seiner Churfürstl. Gn. deß Lebens gesichert vnd begnadt, doch mußten sie, gleich den vorigen Bur- [79] gern, die obgemelte Puncten, ehe sie vom Platz abtratten, geloben vnd schwören, dessen die Armen sich höchlich bedanckten, dann sie alle sich deß Lebens verwegten hatten.

Das 62. Cap.

Wie man von Brussel, auff Neckersvölm gezogen, vnd zum Bunttischen Heer kommen.

Nach vollbrachter Handlung vnd Anstellung zu Brussel, Brach mein gnädigster Herr der Pfalzgraff mit dem ganzen Läger oder Heer wider auff, vnd zobe mit dem Zeug in Seiner Gn. Flecken Hilßbach, auff dem Kraichgaw gelegen, so auch vorhin abgefallen war, die andern zohen gen Sinßheim, Elsenz, vnd das Fußvolck in die vmbliegende Dörffer. Dieselb Nacht, lag das Bunttisch Heer zu Steinsurt, Korbach vnd Richen den Dörffern, vnd kamen die Bunttischen Hauptleuth zu meinem gnädigsten Herrn gen Hilßbach, vereinten sich miteinander, wie, vnd wo Sein Gn. mit dem Heer zu jhnen stossen solt, vnd waren biß die Hauptleuth, Die Wolgeborne vnd Strengen Herrn, Georg Truchses, Freyherr zu Waldburg, Oberster Feldhauptman, Graf Wilhelm von Fürstenberg, Oberster deß Fußvolcks, Herr Frowin von Hutten, Ritter, vnd Herr Rudolff von Ehingen. Also war Sein Churfürstl. Gn. mit dem Läger zu Hilßbach, am Sontag Graudi auff, zobe auff Neckersvölm zu, vnd stiesse für Furfeld, zu dem Bunttischen Heer, so daselbst auff einer Höhen hielte. Nun hatten die Bunttischen Hauptleuth Seiner Churfürstlichen Gn. vnd den andern zu Ehren, jhren Zeug zu Rosß vnd Fuß lustig geordnet, damit machten sie ein Lust vnd Schawspiel mit den Zeugen auff das Wesentlichste, vnd als das Pfalzgräffisch Heer, in jhrer [80] Ordnung zu Rosß vnd Fuß die höhe hinauff, gegen den Bunttischen zogen, lieffen dieselben Hauptleuth alles Geschütz abgehen,